

ne quis fratres eiusdem loci tam in claustro quam in curtibus, que ius idem olim habuerunt, super usuario isto impedire aut molestare presumant (!), alioquin indignationem nostram, si hanc confirmationem et concessionem nostram spreto maiestatis nostre testimonio attemptaverit irritare, se certissime noverint (!) incursuros (!). Huius rei testes sunt venerabilis archiepiscopus Trevirorum Theodericus, Iohannes Metensis episcopus, Hermannus Herbipolensis electus, Matheus dux Lotharingie, Marquardus notarius aule regie, Heinricus de Ulmene, Heinricus de Cimiterio Confluencie et plures alii. Datum Lutree, anno dominice incarnationis MCCXXV, VII. kalendas Maii, indictione XIII.

---